

Dissertatio casualem, de carum apoplexia terminatum ... / [Heinrich Martini].

Contributors

Martini, Heinrich, active 1672.
Glaser, Hans Heinrich, 1629-1675.
Universität Basel.

Publication/Creation

Basileae : Typis Jacobi Bertschii, [1672]

Persistent URL

<https://wellcomecollection.org/works/rb6kvw5c>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Felicissimis
DIVINI NUMINIS AUSPICIIS

Hanc

DISSERTATIONEM CASUALEM,

CARUM
APOPLEXIA
TERMINATUM,

AUTHORITATE & CONSENSU

MAGNIFICI & AMPLISSIMI
Medicorum Ordinis.

Moderatore

Viro Nobilissimo, Excellentissimo, Experientissimo

D. JOH. HENRICO GLASERO,
Phil. & Medic. Doct. Botan. & Anatom. Profess.
Celeberrimo; p.t. Rectore Magnifico;
Præceptore honoratissimo.

Myſtis Apollineis ventilandam offert,

HENRICUS MARTINIUS, Fil.
Dantiſc. A. & R.

In Æſtivo Medicorum Acroaterio.

Anno Salutis M. DC. LXXII. die 19 Aprilis.

Horis conſuetis.



BASILEÆ, Typis JACOBI BERTSCHL.

Alla
Sig.^{ra}
SERENISSIMA PRENCIPESSA

LOUYSA
Duchessa di Silesia, Lignitz,
Brega e Wolau,
Prencipeffa di Anhalt, Contessa d'Ascania
Signora di Serveſta e Berenburg, &c. Prencipeffa
e Signora Clementiffima:

SERENISSIMA PRENCIPESSA.



Queste puoche carte, benchè per loro
viltà non ſiano degne dell' riſguardo di VO
STRA ALTEZZA; eſſendo però le primi
tie dell mio ſtudio; non poſſono ne devono
conſecrarſi ad altro Nume, che à quello di VOSTRA
ALTEZZA; ſotto la di cui protezione ſi gloriano d'eſ
ſer prodotte. Mi confido dunque, che per ſingolar ſu
Clemenza, (finche ne ſegua à ſuo tempo qualche coſt
di meglio) per ſegno di devotione, benignamente le ac
cetterà: degnandomi anco nell' avvenire dell' ineſtima
bil' favore & honore, di chiamarmi ſempre di

VOSTRA ALTEZZA
SERENISSIMA PRENCIPESSA,

Devotiſſ.mo & humill.mo Cliente

HENRICO MARTINIO, F



C A S U S.



Ir XLVIII. Annos natus, faciei colore ex albo rubescente, capillis obscure flavescens, modicè crispis, utcunq; ὄσσεσσι, venis satis amplis. Caterum animo humilis, propositi tenax, vitam sedentariam agens, & in rationibus subducendis perpetuò occupatus, nonnunquam vini plusquam satur; cum venasectionem consuetam distulisset, tempestate iam inde à medio Augusto frigidâ & humidâ existente, sub finem Septembris semel atq; iterum levem hæmorrhogiam narium passus est, veragine subinde obrepente, cum dolore capitis obtuso. His symptomatis percliduum circiter vexatus, cum manè deambularet, corpus ejus ad sinistram incurvari visum est, vesperi verò ejusdem diei à consuetis laboribus domum redux subito cecidit sensu & motu privatus. Concussus tamen ab adstantibus, quanquam somno sepultus erat, oculos agrè aperuit, linguâ titubante, & voce vix intelligibili animi sensa exprimens. Pulsus tunc erat magnitudine & vehementiâ naturalis, sed latus sinistram non movebat, dextum agrè; os in dextram partem intorquebatur. Varia præsidia, statim primo morbi insultu, juxta artem in usum vocata fuere, sed in cassum. Postridie vesperi unctus oculos quidem parum aperiebat, sed nihil loquebatur: inde pulsum sensim minore & debiliore factò, & stertore inter respirandum oborto, die tertio manè obiit.

ΤΑ ὅτι πολλὰς χρόνους συνήθεια καὶ ἡ χείρω τῶν ἀσυνήθων, ἥσσον ἐνοχλεῖν εἶωθε. Quæ longo tempore assueta sunt, etiamsi deteriora sint, inætiis minùs molesta esse solent: Verba sunt Hippocratis Aph. 50. sect. 2. Si itaque consuetudo etiam in malis intermissa tantum nocet, multo magis in præsidiorum salubrium intermissione. Ex-

perientia ipsa quotidiana loquitur: Quotusquisque enim, ex humorum qualitate peccantium consuetâ ejectione intermissâ, morborum non incurrit myriades? Hunc, humore tartareo, & fœculento è corpore, debito & consueto tempore, non euacuato, triculenta vexat hypochondriaca affectio; Illum quartana febris. Medicorum vulgò dictum opprobrium, eodem humore putredine suâ calorem præternaturalem acquirente. Sic phlegmatis, in glandulis mesenterij restagnantis, & chyli per eas percolationem impediens, putrefactionem lentæ febris, imò ipsi hecticæ originem præbere, certum est. Bile pariter exsuperante, in corporis habitum effusâ, fœdus totius corporis subsequitur color: quibus malis, dictorum humorum peccantium, morbum tamen nondum reapse producentium, factâ debito modo ac tempore evacuatione, facile mederi potuissemus; cùm contrâ malo jam confirmato, vehementiori scil. in humoribus concitato, viscerumque substantiâ jam imbutâ morbifico fermento, methodica & longior requiratur cura; aliâs, si in principio occurrisses, vel unicâ corporis evacuatione perficienda. Non minora & sanguis solâ quantitate peccans inducere valet symptomata: accedente enim corporis exercitio, sanguis, fervore concepto, facile exiguis arteriolarum osculis excidere, sicque in thorace pleuritidis author esse potest; aut ebullitione suâ ad cerebrum concitatus, si in medullaris substantiæ superiore parte consistat, in mentis alienationem, si ad basin decumbat, aut extravasetur, in Apoplexiam & alia mala hominem conjicit; quæ solâ venæsectione, præsertim consuetâ, ceu proprio plethoræ indicato, administratâ, evitanda erant. Similia in ægro nostro observare licet; qui, venæsectione consuetâ intermissâ, mortem subire necessum habuit: ad cujus tractationem nos accingentes, ut facilius obvias declinemus syrtes, certam nobis præfigemus methodum, consistentem in diagnosi, Prognosi & Therapiâ; consideraturi primò ægri nostri statum, tum naturalem temperie conclusum, tum præter naturalem: quibus, tanquam diagnosi tam τῶν κατὰ φύσιν, quàm τῶν παρὰ φύσιν, in medium prolatis, subnectemus Prognosin; & huic feliciter superstruemus Therapiam, eliciendo Indicationes, perficiendas suis instrumentis; cùm tantum quisque rectè curet, quantum per causas cognoscit, attestante Galeno: Hæc ritè peragendo, quin totam hujus casûs resolutionem exhausturi simus, null dubita-

subitamus. Omisſis itaque ulterioribus verborum lenociniis, primam Conſultationis partem aggredior, conſiderans in ea primò conſtitutionem ægri noſtri κατὰ Φύσιν, temperamento concluſam.

Temperiem hujus ægri eſſe Sanguineo-Melancholicam, ex ignorum temperamentum determinantium latiore diductione, & rationum addendarum explicatione, liquidò conſtabit. Etenim facies ex albo rubescens, ſanguinis laudabilioris in toto corpore abundantis, ſuique veſtigia in teneriore cutis parte, qualis in facie leprehenditur, relinquentis, certiffimus index. Sexus virilis, foeminino naturæ lege calidior. Capilli obſcurè flaveſcentes, & mollicè criſpi, pro calore moderato, individuo probi ſanguinis comite, militant; qui, depositâ poſt juventutem acrimoniâ ſuâ, etiam n hâc, hujus viri ſanguinei, inclinante ætate, plus alius temperamenti hominibus, vigorem ſuum retinet. Κορμια qualiscunque, laudabiliorem maſſæ ſanguinæ partem, cùm ea omnes partes arnoſæ nutriantur, ſui cauſam agnoſcit. Venæ ſatis amplæ, exuperantis ſanguinis, cùm inter partem recipientem & humorem contentum requiratur proportio, infallibilis nota eſt; natura enim, ut in omnibus, ſic in partibus nobiliſſimæ creaturæ formandiſ, ſtudioſa, præter neceſſitatem venas amplas, niſi ſanguine uberiore id ita requirente, non formaret. Sanguinem vero hunc, ob tumoris craſſioris, ſiccioris, terreſterioris, & magis fixati admixtionem, paululum ad frigidum & ſiccum declinare, mores ægri noſtri eſtatum faciunt; eſt enim animo humili, triſtitiaſ ſpeciem præſeferente, quæ ſanguini craſſiori, frigidiori & ſicciori, ortum ſuum lebet; ſicut contrâ lætitia ſanguini calidiori, & rariori. Pariter ſolam propoſiti tenacitatem ſiccitati ſuam debere nativitatem, nullus niſi in Medicina hoſpes, facile negaverit; cerebrum enim, it & ſpiritus in eo animales, ſiccioſe gaudentes temperamento, niſi ſtar tabulæ plumbeæ, externorum objectorum impreſſiones ægrè quidem admittunt, ſed admiſſas diutius retinent, ſicque conſtanter menti offerunt, unde tales propoſiti ſui ſervantes, annuente Scholâ Salernitanâ. Accedit vita ſedentaria, raritatem, ſanguini corporis agitatione conciliandam, impediens; & ſic acquiritam, non enim congenitam puto, ſiccitatem fovens non modo, ſed & augens. Vini inſuper nonnunquam imoderatiore uſu ſiccitatem ſanguinis, ex dictis cauſis conflatam, auxit. Ex quibus om-

nibus jam patet, ægrum nostrum temperamento fuisse sanguineum ad melancholicum inclinante.

Pensitatâ hujus ægri temperie, tanquam statu secundum naturam, nunc recto tramite ad alteram diagnoseos partem me convertito, quæ nos in statûs præternaturalis naturam deducit. Cùm autem hæc consistat maximè in Partis affectæ, affectûs ipsius causarumque indagatione, ordinem rerum animam observantes in parte affecta denominandâ primò desudabimus, præmissâque breviter nonnullorum authorum sententiâ, probabiliorem subjungemus, symptomatibus, tanquam signis partem affectam specificantibus, stabiliendam & confirmandam.

Quanta hîc sit authorum dissensio, vel mediocriter in Medicorum scriptis versato constat: cùm quilibet horum symptomatum sibi peculiarem fingere conetur sedem. Hic jecur & pulmones, ille ventriculum, febricitante uterque judicio, principale horum subiectum constituunt; si enim æquiore animi lance rem perpendere velimus, quo quæso jure sensus, motus, ipsiusque rationis læsiones, tanquam Symptomata nobilissimarum functionum & regię arcis, solùm hepati, viliori longè à natura naturante usu destinato, accepta referemus? quomodo pulmones, qui si non pro naturæ lege, saltem cæteris partibus liberiùs, suum hîc obeunt officium, accusare licebit. Faciliores primò intuitu nos exhibere possemus ventriculum affectam sedem determinanti, si qualemcunque Symptomatum spectemus convenientiam; cùm & Syncope, ex superioris orificij ejus affectione, hominem sensu & motu privare valeat: sed exactiùs consideranti mox magna satis apparet diversitas; nam coloris faciei in pallidum mutatio, Apoplexiam, quòd in hac naturalis permaneat, à syncope discernit; pulsus pariter obscurissimus, aut ferè nullus, animi deliquio tentatis, contrà apoplecticis fortior, aut naturalis, ut in ægro nostro, nî mortis hora immineat; nec in his, ut in illis, observatur mador in corpore à sudore frigido. Propiùs accessêre, qui cerebrum subiecti denominationis nomine salutarunt; sed per errorem lapsi, dum ex falso supposito, quasi in ventriculis cerebri spiritus generarentur, subiectum inhæsionis statuêre ventriculos cerebri anteriores, eos planè oppletos apoplexiæ, semirepletos epilepsiæ, subiectum esse somniantes. Sed intueamur Modernorum faces, Priscorum in aliquibus placita, illuminantes, & videbimus,

non

non minimam nos huic seculo debere felicitatem ; cum, quæ temporis senio situm contraxisse videbantur, nunc magis expolita, splendidiore ornatu fulgeant, ut feliciore genio de usu partium hoc tempore discurrere, concessum sit. Hos inter Clarissimus Whillis accuratiorem cerebri anatomen nobis exhibet, cujus diligentior inspectio, cuilibet singulorum ejus morborum partem affectam patefaciet.

Partem affectam, pro varia morbi unius in alium mutatione, aut cum alio complicatione, variam constituendam censeo. Cerebrum affectum indubitanter asserimus, cum ejus functiones videamus esse læsas ; unde de organo, functiones has edente, quoque læso certi. Cum autem cerebrum diversis constet partibus, hincque pro diversæ partis affectione, diversa quoque agnoscat symptomata, hoc opus hic labor erit, partem affectam certam denominare. Probabiliter statuimus, cerebrum hinc affligi, magis secundum medullarem, minus secundum cineritiam substantiam. Prius morbosus ægri nostri insultus nobis demonstrat, qui,

- - - - quasi Jovis ignibus ictus

Concidit, & vitæ nescius ipse suæ :

unde, medullarem substantiam, quæ principium est nervorum, tum sensui tum motui, inservientium, morbo tentari, firmiter concludimus. In medullari autem substantia, non ventriculos anteriores, nec tertium, (qui potius causæ aliqualem rationem habere possunt, quatenus nimium oppleti, inferiores partes pre-nendo, angustiae cerebri causa existunt) affectos esse, vel inde constat, quod non in illis elaborentur spiritus animales, unde influxus in nervos impediri possit ; sed tantum excrementa recedant, amandanda ad glandulam pituitariam, & exinde in emuntoria deponenda. Verum medullæ cruribus, corporibusque triatis, eæ deferendæ partes ; cum spiritus animales, in cineritia cerebri substantia, mediante insitâ ejus temperie, ac poris spirituum vitalium percolationi destinatis, elaborati, ad illas partes deferantur ; ibique imperium animæ expectantes, nunc in hos, nunc in illos nervos, influant. Crura partem affectam constituentes, quartum ventriculum, principium spinalis medullæ ingredientem, totaliter non excludimus, quandoquidem hoc humoribus repleto, principium nervorum, ei subiectum, comprimi potest.

potest. Cineritiam cerebri substantiam, ipsosque ventriculos, aliquâ ex parte affici, vel exinde probari potest; quod humores per arterias maximè in eam effundantur, quippe quæ ibi numerosæ sunt; inde & in ventriculos ipsos deriventur. Quin & vertigo, huic viro obrepens, cum amplum spatium requirat, in quo spiritus circumgyrari possint, non solum medullarem substantiam, sed & reliquas ejus partes, morbo tentari, ostendit; præterea dolor capitis obtusus, ægrum per aliquot dies, antequam, humore ad inferiora procumbente, sensu & motu privaretur, excrucians, humoris in cineritia substantia stagnantis index erat.

Per sympathiam totum corpus, quod instar trunci jacet, laborare videmus; spiritibus, motum ei & sensum ministrantibus, in influxu prohibitis; unde, his deficientibus, actiones corporis perire necesse est. Sinistram autem partem magis obsideri testatur ejus lateris, etiam ante hujus morbi insultum, aliqualis resolutio; humore adhuc in cineritia substantiâ existente, & sensum, ad inferiora inclinando, principia nervorum sinistræ partis, seu obstruente, seu comprimente; nunc, majore affluxu facto, utrasque partes, sed inæqualiter, obsidente; cum, ob resolutionem prægressam, sinistrum planè non moveat, dextrum latus ægrè; indicio aliqualem in ea parte adhuc spiritibus concedi influxum; unde musculis ex parte sanis ad sua principia trahentibus, os in dextram partem intorqueri visum est.

His partibus obsessis, ortus est morbus organicus, Angustia nomine veniens; quæ, prout major aut minor fuerit, soporosorum affectuum varios gradus parere apta est. Quod ægro nostro accidit, in quo primum minor angustia Carum, major hinc succedens Apoplexiam, peperit: cujus talem hic exhibemus descriptionem; quod nimirum sit *subita, sensus & motus, exceptâ respiratione, sed non totalis, privatio; orta ab humore & vapore crasso, cerebrum quocunq; modo angustante.* Angustiam cerebri pronuncio cum hæc sola horum symptomatum mater existat: non autem totalem, aliàs subito fatis cessisset; sed partialem, eamque tantum nervos motorios, quàm sensorios leviter occupantem; concussu enim ab adstantibus, oculos ægrè aperuit, linguâ titubante, & voce vix intelligibili, animi sensa exprimens; unde firmiter conclusum, humorem, superiori cerebri contignationi maximam partem inclu-

inclusum adhuc, ab initio non totaliter opprimere nervos, sensui & motui destinatos: sed humore hoc magis magisque substantiam medullarem appropinquante, & nervos obstruente, loquela ablata; pulsus sensim minor & debilior factus; tum ob humores, ex cerebro in asp. ram arteriam delapsos, tum ob fuligines, cor suffocantes; spiritibus, in musculos respirationi dicatos, non influentibus: unde, virtute vitali, se ab onere levare tentante, sed debili & succumbente; stertor, qui ultimus apoplexiæ gradus est, inter respirandum obortus.

Ultima jam Diagnoseos pars, causarum videl. enarratio, recte videtur; quarum accurata enucleatio, totam morborum statum naturam, nobis aperte repræsentabit. Toties jam nominatam angustiam, spiritibus influxus viam intercludentem, immediatam huius symptomatis existisse causam, nullus ambigo: quali autem nodo facta; an per obstructionem, compressionem, coalesc. subsid. &c. in controversia est. Censem hinc factam fuisse, & per compressionem, & per obstructionem. Compressionem quidem exinde colligo, quia subito cecidit, sensu & motu privatus; quod obstructioni adscribi non potest, cum hæc fiat ab humore, in angustos nervorum poros, sensim se insinuante: eam tamen postea quoque accidere potuisse, testatur morbi in tertium diem protractio: id ipsum confirmant præsidia in usum vocata, compressionem quidem tollentia; unde sensus aliqualis & motus partibus restitutus, & æger caroticus factus: obstructionem autem penitus tollere non valentia, quâ sensim incrementum sumente, in Apoplecticum transiit.

Causam continentem nobis persuademus esse sanguinem, paulo crassiores, crudis humoribus, vaporibusque crassis, permixtum: spiritus animales figentem, unde somnolentia; copia vero eisdem, ut & cerebrum ipsum, comprimentem, opprimentem & obstruentem, unde Apoplexia. Adstipulatur huic sententiæ ægroti nostri temperamentum, nobis sanguineo-melancholicum visum, talibus humoribus generandis aptissimum: accedit ætas, ad declinationem vergens, quâ calor natus jam remissior, crassiora non probe secernit, nec attenuat; & ob paucitatem salis volatilis, restantis in visceribus, præprimis liene, humores non reddit volatiles: sed eadem caloris imbecillitas, omnia crassa relinquens, rudorum humorum, vaporumque sanguini permixtorum, causa

est: unde tales humores, in venas regurgitantes, sanguini permixti, & ad cerebrum delati, non possunt non horum symptomatum esse genitores. Aër in patriâ aliàs satis temperatus, ob anomaliam, eo anno singularem, accusandus mihi venit; cùm jam à medicis Augusto, humidior frigidiorque exstiterit, corpusque humoribus repleverit, tonum viscerum laxarit: appetente autumnò; cùm Sol jam longiùs aliquomodo recedat, aëre tunc frigidior & crassiore existente, pori corporis nostri occludantur, factum ut excrementorum pars, per insensibilem transpirationem, aut sudorem dissipanda aliàs, retenta fuerit; humorique crasso & crudo, jam in corpore præexistenti, augmentationis materiam præbuerit. Cibi quamvis fortè optimi fuerint assumpti; tamen, cùm melancholici, ob acidum in ventriculo abundans, plura appetere soleant, quam possint digerere, crassiori sanguini se multiplicandi ansam præbuere: accessit vita sedentaria, alimenti coctionem, distributionem, & sanguinis promptum ex arterijs per venas circuitum, impediens, excrementaque in corpore retinens; unde humores tardiore motu incrassari, caloremque nativum excrementorum mole obrui, necesse est. Sanguis autem talis, & quantitate & qualitate peccans, nî Chirurgi artificiosâ manu dematur, à naturâ bene operante, tanquam inutilis & corpori molestus, per hæmorrhagias excernitur; uti conspicuum satis in ægro nostro, qui, ob venæsectionem intermissam, semel atque iterum levem passus hæmorrhagiam narium.

Vapores, quos sanguini admixtos superiùs adseruimus, visceribus, inferioris ventris debilioribus, natalitia sua maximâ partem deferentes; aut se massæ sanguineæ adjungunt, &, per arterias adscendēdo focii, mentis arcē adoriuntur; aut, per non adeò nobis manifestas vias, vallum hoc solitarii conscendendo, inexpectatè rationis domum, nunc à tergo nunc à facie, pro re nata impugnant. Materiam hisce vaporibus suggerunt, cibi difficilis concoctionis, & crudi, viscositatibus scatentes, ventriculi fermentum caloremque ei insitum, eludentes; unde viscositates non satis attenuantur, nec vapores inde orti dissipantur; (non secus ac in lignis viridibus accensis, flammâ adhuc minore existente, in principio ingens affurgit fumus, succedente majori flammâ, dissipandus:) hincque progenitoris morborum vices subeunt: viam hisce furis monstrant, & januam quasi aperiunt, omnes actiones, præsertim
menta-

mentales, mox à cibo sumpto institutæ; quibus præprimis male ibi consulit studiosa cohors: calore siquidem ad superiora avo-
ato, coctio turbatur, tonus viscerum labefactatur, hinc ventri-
culus, fracto fibrarum circularium robore, superiore orificio hiat;
inde vaporibus via non præcluditur, sed ad ipsum exitum quasi
invitantur: & ea certè causa est, cur meditationes, mox à cibo
sumpto susceptas, gravitas capitis & somnolentia comitari so-
eat. Augere hosce vapores solent, excrementa alvi diutius re-
tenta; hæc siquidem crassos vapores continuo ad cerebrum mit-
tunt; qui, cum magna ibi copia colliguntur, tandem spiritus in
notu suo turbant, eosque torpidiores reddunt; imò diuturniore
in intestinis morâ, excrementa putrescere, & malignitatem ali-
quam acquirere possunt; unde sulphur quoddam narcoticum
exhalatum, in capite spiritus animales vi suâ ligare solet. Hinc
non absque ratione omnes Practici, in quibuslibet capitis affecti-
bus, alvum volunt esse liberam. Alvum autem constipatam æ-
ro nostro obtigisse, multis ex causis probare licet; ipsa tempe-
ries ægri naturalis, quæ melancholiæ magnam partem particeps
esse videtur, fæces sicciore crassioresque produci, nobis manife-
stat: inter alia sese nobis offerunt; somnus, humectationem par-
bus impertiens, parcior hic; vigiliæ contra, corpus exsiccantes,
& calorem in visceribus intendentes, nimiae: imò ipsa vita se-
dentaria; motum facibus, in intestinis ad inferiora tendentibus,
ardiores; sicque, diuturniore ibidem morâ, siccitatem majorem
s concilians.

Vinum, (quod, in omnibus capitis affectibus, perniciosissi-
mum Medici perhibent,) ex causarum, vapores augmentum, nu-
mero excludere velle, nefas: quis enim, evaporationes inde fieri,
lubitat; certè helluones, quique potationes in longam noctem
protrahunt, id satis superque testatum eunt; cum vino inebriati
sedem vix figere possunt, vapore spiritus turbante, eosque in in-
fluxu ad motus organa ex parte impediende; imo postridie à
computatione de capitis dolore conqueruntur, illud tentatū fuisse,
certo indicio: non minimam in ægro nostro vinum vaporibus
præbuisse materiam, duplici de causa mihi persuadeo: & quod
nonnunquam paulò largius fuerit assumptum ab ægro, & quod
offenderit corpus, valde dispositum, nimirum vitæ sedentariæ
obnoxium; calore, ob errorem in visu, nativo debili. Forte &

eodem tempore, quod vindemiarum erat, musto delectatus fuit, malumque malo accumulavit. Quod si enim vinum fermentatum tantam vapores excitandi vim, & efficaciam obtinet; quanto majores turbas excitare poterit mustum; in quo tartareæ particulæ, à sulphureis per fermentationem separandæ, sibi invicem permixtæ, adhuc quiescunt: accedente vero jam ipsâ fermentatione, hæ, vinculis suis solutæ, illas in fundum præcipitant; in cujus mixti dissolutione, tantus particularum in se agentium est impetus, ut dolia ferreis circulis muniri exposcat: minusne incommodi ab illo, in corpus assumpto, sperare licet? neutiquam; si consideremus, fermentationem illam ei in corpore nostro subeundam esse: tartareæ enim particulæ, ab acido ventriculi fermento, præcipitantur; in quâ actione, ingens vaporum ad caput tendentium copia elevatur; non secus, ac in confectioe tartari vitriolati fumum conspiciamus: imò magis nocet; dum, ob substantiæ tenuitatem, fluiditatem scil. fermentationem totalem in ventriculo non exspectat; sed, citius primas vias præterlabens, & in vasa sanguifera raptum, tandem per arterias cerebro communicatur; in quo, novâ sui fermentatione institutâ, vapores de novo generat; tumque sulphuris impurioris, narcoticam quandam vim obtinentis, particulæ spiritibus animalibus associantur; quæ eos consopire, sicque facile cerebrum ad soporosos affectus disponere queunt. Quin & lucubrationes, ad ellychnium cum oleo paratum institutæ, suum symbolum hîc addere videntur: siquidem corpuscula sulphurea minutissima, ex oleo exhalantia, facili negotio, per respirationem attracta, caput ferire possunt; id proprio exemplo edoctus; cùm mihi, propius diutiusve hujusmodi candelæ assidenti, fumum capitis gravitatem & somnolentiam parere compertum habeam; quidni, in corpore disposito, citius fortiusve vires suas exseret?

Nec mirum videri debet; ægrum nostrum, his morborum seminarijs instructum, tanta incidisse mala. Dicti enim humores vaporesque, in cerebrum elati, calorem ejus debilitarunt, fibrasque laxârunt; hinc, fatigante sensim ejus robore, dolor capitis, & vertigo subsequuta; graviorum symptomatum prodromi: qui dein in carum, ipsamque apoplexiam, auctâ mortificâ causâ, eruperunt.

Verùm enim verò; cùm, non de causis solum discurrendo, sed

sed medicamenta etiam dextrè adhibendo, ægro taliter constituto
opem ferre possimus; ne quoque hîc theoriæ tantum, neglecta
praxi, operam navasse videamur, & methodi & instituti nostri ra-
tio, nobis, brevitatem amplectentibus, persuadere videtur, ut ul-
timam tractationis nostræ partem aggrediamur. Sanè, difficilem
ut partis affectæ nobilitas ægro promittit prognosin; ita sym-
ptomata, alia graviora subinde ex aliis nascentia, eandem reddunt
difficiliorem. Et certam hîc salutis aut mortis constituere velle
prognosin, è re Medici non est; cum in alterutrius, quodcunque
licet eligat, specificatione peccetur: siquidem huic, salutem pro-
mittenti, æger mori; illi, mortem prædicenti, æger recuperatis vi-
ribus, & excussâ morbi causâ, sanitati restitui possit; utriusque
cum infamia. Præstat igitur, in tali ancipiti casu, differre absolu-
tam prognosin, expectatis prius præsidiorum adhibitorum viri-
bus; interim adstantibus non reticendum, periculose decumbe-
re ægrum; non tamen desperandum esse, cum forsân medica-
menta, naturæ auxiliatrices manus adferendo, eam victricem
constituere possint: quodsi deinde, medicamentis adhibitis, æ-
grum nihilominus non alleviatum, sed insuper symptomata in-
gravescere, conspicias; tûm spes de recuperanda sanitate in an-
gusto est, & liberè pronuntiandum, ægrum hunc non evasurum;
quoniam natura à morbo adeò victa, ut nullis pharmacis viribus
vires, & robori pristino restitui possit: quo facto, non intermissâ
interim remediorum adhibitione, id apud adstantes procurabitur,
ne Medici culpâ æger, quem fors sua premit, periisse putetur. Sic
in ægro nostro primùm certi quid prædicere non licuit; exspe-
ctandus enim erat pugnæ, quam natura cum morbo inierat, finis:
tandem medicamentis, etiam secundum artem administratis, ni-
hil proficientibus; cum Carus in veram Apoplexiam degeneraret,
pulsu magis magisque debilitato, & stertore oborto, funestum æ-
gri exitum adstantibus patefacere licuit; adductis autoritate
Hippocratis Aph. 42. Sect. II. ita dicentis: λύειν Ἀποπληξίν ἰσχυρὴν
μὲν ἀδύνατον, ἀσθενέα δὲ ἔρηδον. *Apoplexiam levem solvere dif-
ficile, sortem verò impossibile est.*

Tandem ijs omnibus, quæ in theoria requiri videbantur,
pertractatis; reliquum est, ut adjunctâ, quæ præcipuum nostri insti-
tuti erat, therapiâ, dissertatiunculam hanc finiamus. Therapia,
quæ indicationibus, & medicamentorum doctâ adhibitione ab-

solvitur, taliter nobis considerata venit. **Indicationes Curativæ**, morbum & causam continentem; **Præservativæ**, antecedentes & externas, **Vitales**, totius corporis vires respicientes; in considerationem veniunt: symptoma verò, facultatis animalis sopitæ, hinc urgens; sui præprimis medelam, per remedium excitans, irritando facultatem, exposcit. Causa ergo continens evacuanda, derivantibus & discutientibus: præmittenda vero sunt ea, quæ antecedentem, aut imminuunt aut tollunt, sanguinem demendo, revellendo, crudos humores in eo præparando & expurgando. Quibus præstitis, & viscerum habenda ratio; intemperiem illarum paulo frigidiorum corrigendo, ut in posterum probum sanguinem generent; robur ijs, cerebro maxime, conciliando; ne talem materiam amplius aut generet, aut recipiat: & tandem adhibita diætâ, amovendo omnia externa, huic malo cumulando occasionem præbentia, ægrum nostrum à novo morbifico insultu præservare nobis incumbet, nisi mors præveniens omnem conatum eludat. His omnibus satisfaciemus triplici Medicorum fonte, Chirurgico scilicet Pharmaceutico, & Diætetico. Ex primo desumentes, generosissimum remedium Venæsectionem, tum cucurb. scarif. vesicatoria, frictiones, punctiones, agitationes & alia. Pharmacia nobis subministrat, suppositoria & clysteres acres, ad facultatem sopitam excitandam; purgantia, tum universalia, tum particularia; causam morbi, tam continentem, quam antecedentem, tollentia: spirituosâ, facultatem sopitam fortiter ferientia, interne & externe adhibenda; tandem discutientia, materiam in, & cerebro proximam, potissimum respicientia: nec corroborantia partes, quæ remedium agmen claudunt, omittenda. Diætâ cibos proponi laudabilioris succi, facilis concoctionis; & res non-naturales causas coadjuvantes esse vult, ut intemperiem paulo frigidiorum corrigere & emendare valeant. Recensitis jam indicationibus, & quæ his satisfaciunt, præsidij; ad illorum administrationem me accingo. Facultas animalis sopita, quæ quasi ipsa jam mortis species est, quantocyus sibi succurrendum postulat: hinc Medicus & gloriam, & infamiam, sibi comparare potest; prout aut consilij promptitudinem, aut animi consternationem, hancque consequentem auxilij suspensionem, adstantibus declarârit. Nec hinc morbo per singula ferè momenta incrementa maxima fumente diu deliberandum: nam,

Serò medicina paratur,

Cùm mala per longas invaluere moras:

Sed protinus omnis cura eò dirigatur, ut æger à paroxysmo libere-
tur. Accersitus ergò ad hunc ægrum, in eo primo occupatus essem,
ut æger à somno excitetur; illud procurando in clamationibus in-
ures, frictionibus, erectione aliquâ corporis, & commotione, mo-
deratâ tamen; ne vehementiori major affluxus concitetur: ad-
stantibus circa ægrum excitandum occupatis, ego interea præscri-
berem clysterem, mox applicandum ex Decto. emoll. & carminat.
fenna, solv. in colatura. el. lenitiv. hier. picr. bened. laxativ.
l. lilior. sal. gemmæ. &c. Clysterem exciperet venæsectio, quam
sic audaciter administrarem, tanquam utilem; & ratione causæ
precedentis, & continentis; tam ad evacuationem humoris a-
bundantis, quam revulsionem sanguinis fluentis, in brachio cele-
ratam. Spirituosa medicamenta, quæ à nonnullis venæsectioni
remittuntur, in hoc subiecto, sanguineo magis, venæsectioni post-
ponenda duco; ne videlicet cùm venæ adhuc sunt repletæ, magis
incalescat sanguis; majorque fiat affluxus, & humoris ad partem
affectam concitatio: statim ergo post venæsectionem exhiberem
illud, ex aq. antepil. B. lilior. convall. syr. fl. pæon. c. spir. ceras.
syr. paratum; cum maxima utilitate; quòd ita, demptâ copiâ
sanguinis, ejus ab hoc pharmaco non metuenda sit incalescentia;
& citius quoque remedii vis in vasa inanita alliciatur, promptius-
que se in nervosum genus diffundat: externè bals. apoplect. Quer-
et. temporibus, naribus, uti & sincipiti, in conjunctura futuræ
coronalis cum sagittali, inungendus. Mox vomitorium, si respira-
tio paulo liberior adhuc est, viresque paulo robustiores, ut huic ab-
ortio accidit, exhiberem cum fructu; cùm non solum saburram,
et viscosum humorum, in ventriculo contentorum; sed humorem
in ipsos pulmones illapsum, expellat. Formula talis esse potest:

R. Tartari emet. Myns. gr. vj.

syr. Violar. ℥℞.

aq. pæon. ℥j.

M. d. Sr. Brechtranclein.

Revulsione humoris affluentis, & ejusdem imminutione præ-
gressâ; tandem ad derivationem, humorem parti inhærentem
jam respicientem, deveniendum: ad hunc obtinendum scopum,
incisio venæ frontis, aut jugularium, ranularum etiam, conduce-
ret; cu-

ret; cucurbitula vertici apposita magni usus; nec vesicatoria huius
omittenda; serosam, humori melancholico semper conjunctam
substantiam detrahentia, citoque operationem suam perficientia.
Quodsi paroxysmus, uti hic factum, protraheretur; postero die
propinare sequens purgans.

Rx. Extr. catholic. ʒ j.

pill. fœtid. ʒ ʒ.

Solve in aq. apopl. ʒ iij. & sic exhibe.

Sedato tandem, aut sublato paroxysmo, & viribus reſectis
præſervationi ſtudendum, ne æger in novum paroxysmum in
cidat, quod fiet omnimoda remotione cauſæ antecedentis: opti
mum hoc in caſu hæmorrhoides apertæ, præſertim conſuetæ
commodiſſima ſiquidem naturæ via eſt, per quam plerumque lie
in melancholicis, ab humoribus craſſis, tartareis, & aduſtis, imò i
pſâ copiâ ſanguinis, ſe exonerare, & evacuare ſolet; quin tantæ, in
hoc affectu, utilitatis perhibentur; ut quamdiu fluunt, ab Apo
plexia immunitatem polliceantur, Clariffimi Sennerti testi
monio: ſi vero id, obtineri non poſſit; tunc venæſectione partim
detrahendus, craſſus & vaporoſus ſanguis; partim corrigendus
& ad eduſtionem præparandus, medicamentiſ hiſce humoribus
propriis. v. gr.

Rx. Aq. fumar.

beton. ana ʒ iij.

fyr. d. ſtechad. ʒ ij.

M. F. Julepus, pro duabus doſibus, manè & veſperi ſumen
dis: Julepus hic aliquoties reiterari poterit, cùm humor in cor
pore exiſtens tenax, non uni aut alteri pharmaco, niſi ſæpius
repetito, obſecundet: certiores jam de humoris vacuandi, ſuffi
cienti præparatione, ſequens purgans commode propinabimus:

Rx. Fol. ſenæ. ʒ iij.

agar. rec. troch. ʒ j.

crem. tartari.

ſem. ſœnic. ana ʒ ʒ.

aq. meliſſ.

ſcolopendr. ana ʒ iij.

Infund. per noct. in loco calid. manè factâ levi ebullitione
colaturæ. add.

*fyr. d. beton, ʒ ʒ. M. F. Potio purgans, cum regimine
diætæ*

liætæ fumenda. Remedia hæc præparantia, & evacuantia, ob
lictam humoris contumaciam, subinde repetenda erunt: aut
in posterum eorum loco fumendum vinum medicatum, v.g.

R̄. rad. china ꝑ. β.

polypod. querc.

cort. tamarisc. ana ꝑ. ij.

herb. ceterach.

beton.

cuscut. ana m. β.

summit. cent. min. ꝑ. ij.

fol. senna. el. ꝑ. ij.

agar. trochisc.

crem. tartar. ana, ꝑ. j. β.

sem. fœnicul.

cinamom. ana. ꝑ. iiij.

Concis. infund. in vini albi vet. ꝑ. iiij. de hoc sumat æger al-
ternis diebus cyath. j. continuando, donec totum exhaustum fue-
rit. Nec diuretica hîc obesse poterunt, materiam tartaream cum
ero simul educant; præsertim si natura eò viam monstret; non
inutile seq.

R̄. Aq. pariet.

ononid.

fœnicul.

Syr. capill. ♀. ana. ꝑ. j.

Sal. junip.

stip. fabar. ana. ꝑ. β.

M. d. Reiteretur quoties opus.

Tandem primâ & secundâ regione, à morbificâ farcinâ, li-
beratâ; tertiæ regionis quoque habenda ratio; adhibitis jis, quæ
materiam extra vasorum orificia hærentem, aut per sudores eli-
ciunt, aut per insensibilem transpirationem dissipant. diapho-
reticum commune esse potest.

R̄. C. C. philos.

bezoart. miner.

magist. ocul. ☿. ana. ꝑ. β.

M. F. Pulv. D. c. aq. card. bened. & junip. ana. ꝑ. j. β.

Haftenus de Purgationibus universalibus; sequuntur par-
ticulares, materiæ in cerebro reliquias expurgantes; In harum
C censum

cenſum veniunt Errhina, ſternutatoria, apophlegmatiſmi, &c. quorum apparatus, in Practicorum voluminibus, paſſim reperi- re licet copioſiſſimum; unicum appoſuiſſe ſufficiat.

R̄. Pulv. rad. pyrethr.

ſem. ſinap.

ſtaphiſagr. ana. ʒ ʒ.

Oxymell. ſquill. q. s.

F. conſiſtentia Ecclegm. illinatur palato ac faucibus. Non prætereunda ea, quæ capiti, abraſis prius pilis, & ſpinæ inuncta & applicata, materiam per inſenſibiles meatus evacuant; qualia ſunt ol. rut. caſtor. roriſm. junip. laurin. &c. parantur in hunc uſum varia Baſama apoplect. apud Practicos quærenda, quorum formulas apponere pagellarum anguſtiæ non permittunt. Corpora ſic, ſufficienter à recrementis morbiſicis, purgato; in pharmacia roborantia, tum viſcera, tum cerebrum maximè, agmen claudent. Inter alia non inutiles cenſemus ſequentes rotulas.

R̄. Spec. dianthos. ʒ j. ʒ.

diarrh. abb. ʒ j.

corall. rubr. ppt. ʒ ij.

ſacch. opt. in aq. pæon. & junip. ana. ſolut. ʒ iij.

F. ſ. a. Rotulæ; de his unam aut alteram ſumat mane & antecubitum. Externè valdè commendant ol. nuc. moſch. expr. naribus & palato illitum.

Diæta, quæ magnam curæ abſolvit partem, reſtare videtur quam breviter exhibemus. Aër eligatur purus, fugiatur nubilofus. Viſtus ſit tenuis, incidens, & attenuans: cibi condiantur carminativis. Potus ſit vinum tenue oligophorum; aut decoctum cich. radic. gramin. c. ſale prunell. præſertim ſi ſitis & caloris viſcerum hæc efflagitaret. Ad evaporationes impediendas, prandium & cœna finiatur aſſumptione cond. cydon. aut conſ. roſ. antiq. Somnus & vigiliæ medio ſe habeant modo. Excreta reſpondeant, ſi morantur, ſollicitentur clyſt. ſuppos. aut alijs lenientibus. Animi pathemata graviora evitentur; curas triſtitiæ amque ne foveat, ſed læto ſit animo: negotia ſeveriora & continua ad tempus ſeponantur, uſque dum à morbiſicis ſeminarijs ſe totum liberatum ſentiat æger. Sanitate ſic introductâ, morbi

finem conſpicienti, cum finienda cura;

hic quoque finio.

COROL

COROLLARIA.

I.

Chyli in sanguinem mutatio cordi, ejusdem omnimoda perfectio non cordi solum, sed & reliquis visceribus, ut Epati, Lieni, imo ipsi sanguini arterioso, attribuenda.

I. Non recipienda illorum sententia, qui chyli partem immediate ad Lienem deferri autumant; nec illorum, qui acidum quoddam excrementum in ventriculum à Liene eructari contendunt; ductus enim huic usui destinatus utroque desideratur.

II. Acidum in ventriculo fermentum est à Liene.

V. Lympha, ut chylus, proprium nata est receptaculum, chyli receptaculus proximus.

. Non omnis Lympha versus ductum thoracicum movetur.

I. Vasa Ejaculatoria manifestam obtinent cavitatem.

II. In vena emulgente, non unam tantum, sed cuilibet ramo in renem inserto peculiarem reperi valvulam.

III. Succus pancreaticus est melancholia excrementitia veterum.

X. Humor in chorio urina est, in amnio non excrementum, sed nutrimentum fœtus existit.

. In fœtus ventriculo reperitur colliquamenti pars, unde non ineptè concluditur, ore illud hausisse; monstretur alia via.

I. Sanguis menstruus in virginibus sanis solâ quantitate peccat.

II. Lac in mammis virginum apparens, papillarum rubicundus color, certum lesæ virginitatis signum non est.

III. Res absurda à virginibus desiderata, ijs non uti gravidis concedenda.

IV. Amor insanus venereus morbis corporis meritò ac-

- censendus, cum partium principum affectarum & causa,
& effectus existat.*
- XV. Ex sola urina non possumus scire an mulier sit gravida.*
- XVI. Non caruncula in oculo lacrymas fundit; sed glandula
duae pone palpebras oculorum sitae, per oscula exigua, quo-
rum octo observantur.*
- XVII. Nervos succum nutritium partibus advehere mihi
nondum persuadeo.*
- XVIII. In externorum objectorum receptione, impressio non so-
lum fit in cerebri substantiam, sed in ipsos etiam spiritus;
unde tanta imaginationis vis in gravidis.*
- XIX. Venesectio etiam in forti Apoplexia, si conjuncta est ple-
thora, tentanda: Praestat enim in tali casu remedium ambi-
guum, quam nullum.*
- XX. Dantur lithontriptica tartaream & salinam calculi
materiam dissolventia. Expertus loquor.*
- XXI. Characteres, quibus nonnulli morbos curare satagunt,
rejecimus; non enim virtute naturali, sed diabolicâ id fieri
putandum.*
- XXII. Philtra sola suâ virtute amorem ad certum indivi-
duum determinare non valent.*
- XXIII. Non omnis arthritidis materiam ab externis capituli
partibus agnoscit.*
- XXIV. Paralysis sinistri lateris periculosior & curatu dif-
ficilior est, quàm dextri lateris paralysis.*
- XXV. Nulla firma conclusio: Aquâ repleti sunt ventriculi
cerebri E. Apoplexiâ obijt: contrarium monstravit nuper
rima Anatomia publica Vetula, quae non apoplectica mor-
tua, & tamen ventriculi aquâ repleti erant.*

F I N I S.